



**Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorum, Carolvm Martellvm, ...**

**Gretser, Jacob**

**[München], 1613**

Svmmarivm Ex Baronio. Indicat, quomodo contentionem Monachorum ad se Missorum composuerit. Et quod Potho Abbas cum decem Monachis ad Carolvm Regem proficisci voluerit, vt ibidem quoque de obiectis ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

vt vna cum Domna Regina vestraque præcellsa prole  
 æuistemporibusque in hoc mundo victores regnan-  
 tes, in vita æterna sine fine regnare mereamini. In-  
 columem excellentiam vestram gratia superna cu-  
 stodiat.

SVMMARIVM EX BA-  
 RONIO.

**I**ndicat, quomodo contentionem Monachorum ad se Misso-  
 rum composuerit. Et quod Potho Abbas cum decem Mona-  
 chis ad Carolum Regem proficisci voluerit, vt ibidem quoque  
 de obiectis criminibus se purgaret.

LXXII.

**D**OMNO excellentissimo filio nostroque spi-  
 rituali compatri Carolo, Regi Francorum, &  
 Langobardorum, atq; Patricio Romanorum,  
 Adrianus Papa. Præcellsas ac à Deo inspiratas, per Re-  
 uerentissimum & Sanctissimum Possessorem Archi-  
 episcopum, fidelissimum Missum vestrum, sagacissi-  
 mas præcipuasque Syllabas suscipientes, valde in his  
 noster releuatus est animus, regales triumphos in eis  
 atque sospitates reperientes, & pro hoc magnas om-  
 nipotenti Deo tulimus grates, in aula fautoris vestri,  
 beati Petri Apostoli diuinam exorantes clementiam:  
 referebatur quippe in ipsis vestris regalibus apici-  
 bus, quia causa vestra, nostra sit; & nostra, vestra,  
 in hoc vero freti existimus, quia diuina inspi-  
 ratione veritas hæc, procul dubio, à vobis exa-  
 rata prorsus omnibus manifesta ac certa splende-  
 scit; & quo ad nostrum iudicium canonice simulque

Summ. 40.  
 Bar. 69  
 Cent.

regulariter contentiones inter monachos venerabilis Monasterij sancti Vincentij, & Abbates eiusdem Monasterij, scilicet Autbertum & Pothonem discuti atq; examinari vestra direxit præcellsa regalis excellentia: Ipse quippe præfatus Autbertus Abbas, dum callem itineris peragraret, repentina morte occupatus minime nostris Apostolicis valuit se manifestare præsentis.

Quapropter conuenientes plures ex primatibus Monachis cum præfato Pothone Abbate ipsorum, adstiterunt omnes pariter in conspectu Apostolici decreti nostri, qui residentes, vna cum reuerendissimo & sanctissimo Possessore Archiepiscopo, seu Ansoaldo Abbate venerabilis Monasterij sancti Petri, pariter Aquilino Abbate, \* deua regio atq; Raginbaldo Abbate venerabilis Monasterij sanctæ Dei genetricis, simulq; Gisulfo Abbate, Venerabilis Monasterij sancti Petri, Hiltibrando duce, Taciperto & Prandulo, simulq; nostris adstantibus seruitiis, Theophylacto Bibliothecario, Stephano Sacellario, Campulo Notario, Theodoro duce, & cæteris pluribus, & dum ingressus fuisset Rodigausus eiusdem Monasterij Monachus, referebat aduersus eundem Pothonem Abbatem testimonium dicens: Domine dum cursum horæ sextæ explestemus, & secundum consuetudinem pro regis incolumitate, eiusq; prole propheticum decantaremus Psalmum, videlicet: *Deus in nomine tuo saluum me fac*; subito surrexit Abbas & psallere noluit: Item referebat, quia pariter peragrantes, coepit mihi Abba dicere; quid tibi videtur de hac causa, quia exinde expectaui signum videre, & minime vidi. Tunc ergo respondi: **D E V** s omnipotens humiliet cor ipsius, & faciat

\* locus corruptus.

Psal. 53.

ciat nos incolumes reuerti, quia non sunt talia nostra merita, vt taliter agnoscere mereamur: & dixit mihi Abba iterum, quia si non mihi fuisset pro Monasterio & terra Beneuentana, talem eum habuissem sicut vnū canem; & iterum aduersus eum addidit; quia tanti ex Franci remansissent, quantos ego in humero \* vedare \* *scilicet* valeo.

Et dum à nobis sciscitatus fuisset præfatus Potho Abba, si ita esset, cum nimia satisfactione respondit dicens; quia semper congregatio nostra pro eius excellentia, simulq; pro ipsius prole, procul dubio in monasterio psallit: Sed dum in opera essem cum ipso, & ceteri infantes, expleta oratione, prostrati in terra iniantes psallerent: *Deus in nomine tuo saluum me fac*, subito surrexi pro opera quæ ad vtilitatem ipsius Monasterij fiebat, de itineris verò colloctione, nullo modo ad iniuriam eius regalis excellentiæ quicquam locutus sum, nisi fatus sum; quod si pro Monasterij desertione, seu terra illa mihi non fuisset, omnino in talem pergere habuissem locum, vbi neminem curassem. Porro de Francis, quod fatus est: Nullo modo talia protuli, aut ex meo exiuit ore; sed cum talia ex omni parte mihi opponit, \* & à nobis interrogatus fuisset, \* *Fidetur aliquid deesse.* prænominatus Rodigaufus, si hæc alij cum eo audissent, tunc adfirmavit, quia solus esset, & nullus secum alius audisset, tunc plures ex ipsis priores Monachi asseriebant testimonia pro ipso Rodigauso dicentes: quia in stupro captus cum propria nepte sua, ex presbytero Monachus effectus est, & tale crimen aduersus Abbatem nostrum imponere minime valebit; quia à sacris canonibus respicitur.

Et introducti sunt alij tres Monachi qui cum Hil-

tibrando Duce venerunt, & cum Auberto Abbate morati erant, adferentes aduersus Pothonem Abbatem, quia nos cupientes ad excellentissimum Regem peragrare, à custodia comprehensum sumus, & in carcerem missi. Ad hæc respondit ante dictus Abba. Veritas est, quia custodes habui in ponte, non vt eos, qui ad Regem irent deuetarent. Sed eos, qui suam regulam relinquunt, & ad suum vomitum in sæculo, peccato imminente, reuertunt, eos comprehendere iussi, & tunc, quando dicunt, ibidem minimè fui, sed ad magnum Regem iter carpebam.

Tunc nos liquidius pertractantes, & sacrorum Canonum instituta inquirentes, reperimus in Concilio Chalcedonensi, cap. 18. confirmante ita: *Coniurationis & conspirationis crimen & ab exteris est legibus prohibitum, multo magis hoc in Dei Ecclesia ne fiat, admonere conuenit: & si qui ergo clerici vel Monachi reperti fuerint coniurantes aut conspirantes, aut insidias ponentes Episcopis aut clericis, gradu proprio penitus abiiciantur. Item cap. 21. Clericos aut laicos accusantes Episcopum, aut clericos, passim & sine probatione, accusationem recipi non debere, nisi prius eorum discutatur existimationis opinio. Simul & in Africano Concilio cap. 8. fertur: Præterea sunt quam plurimi non bonæ conuersationis, qui existimant maiores natu, vel Episcopos passim vageq; in accusatione pulsandos, debent tam facile admitti, nec ne? Aurelius Episcopus dixit: Placet igitur charitati vestræ, vt is, qui aliquibus sceleribus irretitus est, vocem aduersus maiorem natu non habeat accusandi? Ab vniuersis Episcopis dictum est. Si criminofus est, non admittatur, placet, & hæc omnia considerantes, & quoniam habet has proprius hostis insidias, vt quos in prauorum actuum perpetratione, Deo sibi resistente, decipere non valet,*

valet, opiniones eorum falsas ad præsens simulando dilacerat, & quia vtrum vera essent an non, districta, diutius per triduum fecissemus inquisitione perquiri, & nullam in ea de his, quæ dicta fuerant, culpam inuenissemus, sed ne quid nobis videretur omissum, aut vestro potuisset cordi dubium remanere, præfatum Abbatem Pothonem, Sacramentum proferre decreuimus: quia nulla talia pro infidelitate regalis vestræ potentia dixisset. Sed nec aliquando eidem magno regi infidelis fuit, velerit cunctis diebus vitæ suæ: Simul & alij decem primates Monachi ipsius venerabilis Monasterij, quinque ex genere Francorum, & quinque ex genere Langobardorum statuimus, vt præberent Sacramentum, quia numquam audierunt ex ore Abbatis, quamlibet infidelitatem aduersus vestram regalem excellentiam, ipsi verò petierunt se omnes pariter ad vestram regalem venire præsentiam; nos quippe illorum exquirentes fidem, erga vestram regalem venire potentiam suimus properare, solite pro vobis in Confessione beati Petri, clauigeri regni cœlorum, non omittentes fundi preces, vt vna cum Domna Regina, vestraque subole, multorum annorum curriculis hic pollentes cum sanctis omnibus sine fine regnare mereamini. Incolumem

Excellentiam vestram gratia superna custodiat.



*Item*